

四庫全書

史部

欽定四庫全書

剡錄卷八

宋 高似孫 撰

物外記

道館

金庭觀在剡金庭山是為崇妙洞天金庭福地

道經曰王子晉

登仙是天台山北門第二十七洞天桐栢山洞中三十五里見日月下見金庭壁四十里又曰天治華頂之東門曰金庭洞天周王子晉善吹笙為鳳凰之聲從浮丘登高而羽化緱山去後主治華頂號白雲先

生往來金庭風月之夕山中有聞吹笙者

循山趾而右得小香爐峯其峯

八面即洞天之北門

唐裴通記曰金庭洞天在縣之東南山趾而右得小香爐峯即

洞天之北嘗聞異香時值一仙

又有五老峯

上多卓大松

劍峯

其山形如劍

觀之後為放鶴峯

山峯巖奇聳多古木

其東有仙

人走馬岡岡有路跡下有龍湫水極清冽下流為小

澗有赤水橋又東為洞山

山中人皆姓董又曰董山

是為毛竹洞

天

洞天記曰毛竹為二十七洞天

洞門巖石竦立有老木龍藤糾繞

巖石洞前有碧洞去觀二里曰再度村

世傳右軍度此見山嶺崇

峻以為罕有故謂之罕嶺去觀東去十五里有大湖山峯勢入天

上有赤水丹池

池可丈餘深不可測其水色赤勺之則其清如鏡禱雨甚靈

舊為

王右軍宅東廡設右軍像有書樓墨池鵝池

裴通記曰琅琊

王羲之家于此其書樓墨池舊制猶在書樓今不存墨池方丈餘水或清或黑亦甚異也又有鵝池在卓劍峯之下可三畝水極清潔石鼓山有靈鵝嵒謂鵝飛于此山右軍捨宅為觀初名

全真館又改金真宮

舊傳右軍捨讀書為觀

宋齊間褚伯玉居

此山

伯玉居此山三十餘年後遊南霍山復歸謂弟子曰吾從去十旬當逝及期而終年八十六史

言齊高帝迎之辭疾勅于剡白石山立太平館居之與舊經少異

沈約有金庭館碑

唐先天間遣女道士投簡金庭觀見許承瓢遂持以

進

真誥曰上虞吳曇得許承一瓢贈伯玉伯玉已授弟子朱僧受歷代寶之可受一斛

張說題

金庭觀詩

女珠道在豈難求海變須教鬢不秋他日洞天三十六碧桃花發共師遊

唐僧

小白題金庭觀詩

羽客相留宿上方金庭風月冷如霜直饒人世三千歲未抵仙家一

長羅隱送裴饒歸會稽詩

金庭路指剡川隈珍重良朋自此來兩鬢不堪悲歲

月一卮猶得話塵埃家通叢分心空在世逼橫流眼未開笑殺山陰雪中客等閒乘興又須迴

李易

居剡寄鄭天和詩

金庭洞在桐栢山山高一萬八千丈中有神仙不死區郁郁黃雲覆

其上透巖流壑遠四旁面勢參差皆意向雞登天姥有時聞鶴飛沃洲何待放彩衣大勝官錦袍白髮奉

親仍縱賞異才爭出輔清朝真氣自驚遊碧障古來
無位有重名吾家謫仙陸魯望平生願到猶不諧矧
復區區走俗狀桃源康樂舊鄉存路接風烟甘遠往
越江正為九華丹石笋飛泉歸指掌鸞翔鶴浴傳異
時列岫方池閒想像剡溪隨
劉旦遊金庭詩
衡嶽真人稱福

地南齊高士寄山河赤城仙去騎丹鳳墨沼人傳詠
白鵝一世風流俱寂寞千年氣象故嵯峨我登臨不盡
懷人恨唯有
仙都李清叟詩
山屬蓬壺第幾重奇峯
翠岫繞靈宮雲藏毛竹

深深洞烟起香爐裊裊風放鶴已歸天漢上養鵝
無復小池中羽人盡得飛章法神與家陽路暗通
歐

陽建世詩

右軍平昔愛觀鵝尚有池塘聚綠波
天台

金卞詩

尋真窮養浩崇妙路迢迢洞掩峯千疊塵分水一條白雲生石壁飛閣揀崖腰隱隱存仙

跡渾疑在碧霄

羽士葉參光詩

迢遞人間入路遙忽窺仙闕絕塵囂事尋奇異彼燕石文

載興崇是晉朝攻藝高樓無筆硯養鵝靈沼識驚菟英雄雖逐年華謝萬古真風冠碧霄

淮南馬

并詩

右軍學業隱林丘世隔年餘尚幽苔鎖一泓殘墨沼雲遮三級舊書樓欣逢羽客開金闕快

親仙童侍玉梳自恠今朝說凡骨飛身得向洞天遊

四明朱全詩

憶昔羲之古事修龍蟠雲

捲卒難搜鵝池墨沼今雖在誰復書堂筆下求

羽士李太澄詩

步步溪山轉幾重五雲深

處敞琳宮峯巒秀擁神仙至門逕清無世俗風畫靜基聲深院裏月明琴弄夜堂中丹成仙子無餘事祇

待蟠桃

信息通

桃源觀唐為太清宮在剡門之北

唐武德八年置號太清後廢乾祐三年重

置曰桃源觀人言太清宮屋趾延袤在北門之外今
門外田疇猶曰宮前畝按吳越時有東都帖曰桃源
觀宮主靈逸大師陸契真乞以錢本回運香油未審
剡縣太清宮所彼三清大師作真聖宮此帝院使用
則是時太清宮尚存又

沈邁贈剡溪桃源宮王道士

詩我昔剡溪遊道人一相遇重來十歲餘顏色宛如
故顏我命衰早鬢毛已蒼然乃知世上榮詎若山
中閒道人家東都問胡不歸北北方多風塵素衣化
為黑斯言共所信吾志亦江湖瀟洒會稽守平生欣
莫如君恩容苟安願奉三年觀有古鍾世傳鍾靈今
計辛爾數到城間談北方事觀有古鍾世傳鍾靈今
中

僧廬

惠安寺在剡山之陽舊曰般若臺寺又曰法華臺寺

晉義

熙二年南天竺國有高僧二人入金華師道深弟子竺法深授阿毗譚論一百二十卷甫一宿而誦通道深遂讚法友釋迦重興今光授記遂往剡東岬山復于剡山立般若臺寺會昌廢咸通八年重建改法華臺寺天祐四年吳越武肅改興邑寺大中祥符元年改今額十道志曰西臺寺今法臺寺是也陳惠度所

立寺有上方軒牕與谿山對極高明之眺中產草號

鹿胎草

獵士陳惠度射鹿此山鹿孕而傷既產以舌舐子身死而後母死惠度棄弓矢投寺出家

後為名僧鹿死之處生草號曰鹿胎草

寺有灌頂壇

張繼剡縣法臺寺灌頂壇詩九燈傳

像法七夜會龍華月靜金田廣幡搖銀漢斜香壇分地位寶印辨根牙試問因緣者清溪無數沙

趙

嘏有早發剡中法堂寺詩

暫息勞生樹色間平明塵事又相關吟辭宿處烟霞

去心負秋來水石間竹戶半開鐘未絕松枝靜寺有
霽鶴初還明朝一倍堪惆悵回首塵中見此山

增勝堂寺僧彥強所居王銍題詩

心是華嚴境圓機更善根一塵猶可

見十勝不為繁放鶴掃松逕呼猿

彥強山居詩

老矣母能

開竹門妙高峯頂住客到亦忘言
後畚分草草緣放渠藜六尺銷得屋三椽雪盡擇璘
收茶早雲晴拾菌鮮有時臨近澗揜手弄潺湲

題思安清意太師幽遠菴詩

得意幽深觸處真何煩立壑密藏身受茲殊勝

園林地非彼等間花木春白晝杜門人莫到清談
絕俗世難親紛紛鬧市繞山脚獨有此中無點塵

圓超寺在剡山之西舊曰靈岫庵

晉天福六年建奉國院大中祥符賜今額

王銍詩

松間清月佛前鐙庵在危峯更上層犬吠一山秋意靜敲門知有夜歸僧

山中奉

靈感大士精祈必格寺有大觀舊記

記曰圓超禪院舊曰靈岫菴有

老僧獨居禮觀音觀音迺舊工王温夾苧為之治平初國子博士鄭公宰剡秋夜月明夢一人儀形有異進而前曰衣敝久矣幸念之一日詣寺見大士像喟然曰感夢者非此乎命工續飾宰及爪謂院僧曰大士常感於予願輸金易之以去僧合謀曰金雖多豈若大士在山中可為無窮之福利也賣金請于宰前一夕宰之家人皆夢大士曰翌日當訣矣宰見僧至遂奉以歸自是剡人益奇其事乃記大士靈感之因大士靈感之跡云崇寧五年四月旦承務郎尉鄭雄飛記

有亭盡得溪山登覽之

勝曰挾溪亭盧駿元題圓超寺挾溪亭詩

孤亭瞰平野雙溪分

兩腋野闊春風香溪晴照人碧我來亭上天欲春溪
聲野色爭赴人胷中丘壑相映發脩然便欲乘飄輪
惜無妙手王摩詰半破鵝溪重畫出溪山應喜得賞
音盡遣烟霞供落筆我嗟吟鬢犯車塵一凭危欄眼
界新寄謝溪聲與山
梅谿王十朋次韻
路入剡山腰
風生玉川腋

孤亭物外高雙溪眼中碧山僧作亭去幾春賞音端
的逢詩人自從妙語發立壑遂使絕景多蹄輪我來
首訪維摩詰問訊雙溪自何出發源應與婺溪同賦
物慙無沈郎筆凭欄一洗利名塵入眼翻驚客恨新
山城重重水如帶
王銍登挾溪亭詩
剡中何許隔林
壑無復晴巖到

可能挽住思鄉人
眼明賴有西南天一
松嶺之側舊有俯山堂前拖衆
角亂雲深處疊秋屏
山下瞰井邑
堂廢已久昔人留題甚多如近離城市
不多地高壓樓臺無限家不知誰人作

寺前巨竹數萬箇琅玕入天今非昔矣

瑞像寺在邑之東吳越武肅王所創

唐景福元年

南巖解院

唐龍紀元年建縣東二百步今廢為民居

實性院在剡山之西唐曰清泰院

唐乾元中建清泰院會昌廢晉天福七年

重建大中祥符元年賜今額

寺下有古井

輿地志曰城內有石井深五丈即此也

超化院在剡門之北其後枕剡坑有林澗之美

晉天福七年建

水陸院大中祥符改今額

院有鑑軒石延慶題鑑軒詩

一軒曾揭鑑為名軒

下方池徹底清坐客不須頻拂拭主人猶恐太分明一塵不染元無物萬像俱涵豈有情堪笑越湖三百

里等閑風浪不曾平

劉彛嘗賦悼賢詩

越州剡縣超化院皇祐辛卯春予寄居是邑民

方阻饑流莩萃千里集於城下縣令祕丞過公彥專
勸誘豪族得米二萬斛以救民明年又饑遂出常平
錢萬緡請糴於明歸以刻價取其贏米幾萬斛繼續
民命尚憚其不給也乃刻俸麥七十斛為種而假起
化院左僧民之田十餘頃役饑民耕種之明年得大
麥五百餘斛嗣給流民各俾歸業熙寧己酉春余倅
永嘉就移湖北道出剡溪民有懷過公者尚皆感泣
而院僧聞其云亡尤增痛悼因書屋壁繼以詩良疇
十頃接晴烟曾假過侯就早年俸麥一車開德濟流
民千里荷生全人嗟逝水今亡矣俗感遺風尚泣然
獨對老僧談舊事
斜陽春色漫盈川
先公和曾原伯寄超化舉長老詩
文聲宮祉韻鸞和素履米霜凍節柯鵬翼扶搖驚斥
鷃鳳翔寥廓舞靈鵠參元問學淵源遠友許游從日

月多誰袖新篇來古
剡夜寒不覺聳肩哦

明心院四山環合自成一嶼寺在其中前臨松嶺路通

吳越

建隆二年陳承鄴捨宅建號黃土塔
院大中祥符改今額在縣北二里

魯國唐咨

記

記曰邑北五里林巒幽邃如城郭其西北一隴望
之蔚然高出於羣峯曰黃土嶺嶺腰有靈泉清冷

甘滑行者負者滌熱為涼顯德七年鄉民蘇老實請
于錢氏為僧院宋建隆初為黃土塔院又有陳房二

翁捐山以廣寺治平三年賜今額景祐中僧仁偃梵
為二泓立廊以升凡二百級人至瀟洒不知人間有

暑惟佛法能轉惑見為真智却羣迷為正覺離執著
為圓明然後逍遙乎真空之理超悟乎妙道之場所

謂明心者因夫明
心之理以告云

西山之嶺有歸鴻閣王銍歸鴻閣

詩

初離江渚荻生芽飛到龍荒雪滿沙寄語不須傳
信遠將軍憂國不憂家不向幽林敲畫欄夕陽空

伴六朝山故人為我留歌興絕勝溪邊訪戴還今君
有意去來中白日無私物自公回首溪山莫留戀不

隨社燕仲皎歸鴻閣詩

精舍傍修嶺道心隨眼明山
遺僧偃迹水作剡溪聲無雨

竹亦潤有風松更清上
方真可住不用觸歸情

又有歸雲亭仲皎歸雲亭詩

一從飛出岫舒卷意何長作雨遍天下乘風歸帝鄉
無心憐洒落到處自清涼縹緲來空碧吟邊帶夕陽

又有偃公泉

僧仁偃施水得名
水味清甘宜茶

王梅溪偃公泉詩

泉自

何時有得名從偃公誰
能繼長陸為載水經中

寺有詩僧仲皎自號閑閑庵

今為倚吟閣先公為僧惟敬記之寺之南麓先公翰

林所藏山有藏書寮又有雪廬玉峯堂秀堂

福感寺依小坡有竹前有橋橋下澗水通焉

晉天福四年建號報

恩大中祥符改東二十五里

普安寺居坦平後依山甚高峻號白雲山雲起即雨山

中林木前有池

宋元嘉二年建會昌廢後唐清泰二年興

資福寺在平野後有小山東望四明山前鑿小池

晉天福八年

年建號增福大中祥符改東三十里

尊勝寺在小坡陀中山枕四明山寺之山曰清泉山凡

寺之内外前後每鑿地三尺必得水雖地有高下無

所異文室之前有兩池清潔紺碧

宋永嘉二年曰厚山院會昌廢天福

六年建治
東四十里

華藏寺居陽坡有竹樹左為四明山乃茹蘭禪師所立

晉開運二年號雲峯院大
中祥符改東四十五里

上乘寺枕四明山四圍皆山多林樾池前一巨壑其左

一池水湛潔距寺之西南一里有雪潭有龍居焉

梁永

明二年置安福寺會昌廢
景福元年興建東七十里

法祥寺据山山勢秀拔左右環擁林木陰翳寺之後有

峯曰獅子頂距寺三里有靈鵝山

世傳右軍鵝池中鵝飛至山中

有石鼓洞洞為穴二高七丈有二石鼓

晉時於此山置石鼓山

洞中可坐一二十人清淨澄邃洞之前有澗水潺湲

宋元嘉二年號延福會昌廢後唐清泰二年興大中祥符改法朗又改今額治東七十里

清隱寺居山腰其北三峯皆峭峻巨杉交蔭路通四明

雪竇山其第二峯有龍池池中有金蛇金線文龜蛇

見則雨前有二洞橋橋下清澗湍激又有四照亭左

右有二巨壑

唐大中七年建三峯院
治平三年改東七十里

仲皎送僧入三

峯詩

上人瞿曇裔律身玉無瑕力究毗尼論汪汪海
無涯振錫復何許三峯隱蒼霞堂上大道師靈

芝發根芽想見湧法施
寒蓼鼓聲搥上人從
之游勿憚歲月遐坐待
霜露熟香風散天葩

明覺寺据山後依燕尾峯而獨秀峯林木環聳山中有

七井其一大者深五丈闊一丈有一靈鰻若大椽常

見之寺之左有白蓮龍潭下有大壑曰白蓮池

寺始
於長

安營焉後有老師望一處有靈光遂遷寺今謂之光
明塘後有聞山中鐘鼓聲者又遷今所梁大通元年

智遠禪師建禪林寺會昌廢晉天
福建大中祥符改今額南二十里

空相寺依平山前有澗水

太平興國元年號開明院
大中祥符改南四十里

禪惠寺据山之坡山形圍焉山林蔚青前有一池右有

迴龍橋橋之下澗水出焉山中有古井齊景明中安

南將軍黃僧成家天雨錢數億萬捨以造寺號錢房

寺

梁天監中改禪房寺會昌廢咸
通二年重建縣之西二十里

天竺寺宅山之腰山極崇峻多篠竹前山亦巍竦寺之

前有石曰安禪石四五枚又有破石石平為半有清

澗環漱

晉天福七年建號西明院祥
符改今額縣之西二十里

顯淨寺在平嶼左右有松竹寺有八池水甚清美其西

廡有白鶴井

齊永明三年建青林寺會昌廢後唐長興元年建大中祥符元年改縣西二十

里

悟空寺据高巖前有巨壑又東有山澗通蛟井

周廣順元年於

古烏流寺基建保安院治平二年改在縣西二十里

有石如鼓不擊自鳴

白樂天沃

洲山記曰北對四明而金庭石鼓介焉

盧天驥題石鼓詩

山在江城欲盡頭招提無

處著清幽寒沈水底長留月冷入天圍不剩秋村靜尚遺看鶴戶溪寒只受釣漁舟眼前佳思能如許悔不長為隱地遊

大明寺居獨秀山面大谿有古井可五尺深數尺水不

曾少竭山之西為韶國師所鑿有坑甚深

晉天福四年有姚氏

女捨宅為寺曰崇明寺治平二年改今額縣西三十里

真如寺白道猷行谿而來登山腰有禮拜石石上有兩

穴膝如陷焉山中築庵道猷居焉其後於山之坦平

者立刹四圍山林蔚茂峯巒峻拔澗溪遶寺清汲皆

通澗水入於五龍山潭

周顯德元年號寶壽院大中祥符改西四十里

宣妙寺居法華山林樾清邃山有大士井泉味清美深

無底東麓有清泉筒引以入於寺其東二小池植蓮

宋元嘉二年號崇明寺會昌廢晉
天福四年建治平改西四十里

戒德寺依火爐尖山山甚秀拔如星子峯前有松林左

右皆松竹二池澄潔

齊永明三年置光德院會昌
廢天福七年建西四十里

普惠寺依遙望山有林樾前有橋流水過之東為放生

池

齊永明三年號安養法華院會昌
廢乾符重建治平改西四十里

王銍題普惠方

丈詩

鏡裏形容水底天定將何物喻真禪
心安便是毗盧界盡日添香伴兀然

證道寺居五龍山峭崖絕壁上攀雲霄竹樹蔭蔽前有

陰澗來自寶壽山注於龍潭潭有五山中有晉高僧

白道猷道場

山中產茶不在日注下取潭中水淪茶尤絕奇治西四十五里晉開運元年號

五龍院

定林寺依山林壑崇峻山抱其右其左翼以太谿水石

清湍水出於黃院相去五里有響巖雨下則巖響又

有東泄潭有龍居焉其左有山曰石姥山

宋元嘉二年號松山

院會昌廢晉天福重建治平改西四十五里

山中有響巖龍潭盧天驥過

定林寺詩

寒旌隱隱入花村小雨初晴水帶昏不憚山程尋寺去只將詩思與僧論麥侵水步

深藏艇柳暗人家半掩門莫厭
禪居蕭冷甚此來一為訪溪藤

下鹿苑寺山接太白山

其上帝披雲寺宋元嘉二年建
號靈鷲寺會昌廢咸通十四年

重建治平元年
改西四十五里

有隱天閣盧天驥登鹿苑隱天閣詩

欲結愛山人共了尋山債未有買山錢
愁聞有山賣
小雨濕春風倦雲遮落日不若叶風來吹雲放山出
一眼吞萬山寸心貯千里何日上歸舟教人問春水
殘雪領春來踈鍾驚夢去尚憶去年愁孤舟繫江樹
再登隱天閣詩
好在滄洲趣青蘋入眼多落紅隨水
幾窠如何喚禪
伯軟語坐盤陀
山有龍潭潭洩水下為飛瀑對瀑水

為玉虹亭盧天驥登鹿苑寺玉虹亭詩

饑饉愁攬號
窮冬層巒秀

壁撐晴空閣抱小藤餘力借來看霜巖飛怒虹小溪
催呼老款段淪鼎篝火烹團龍餘甘入口齒頰爽兩
腋便欲生清風悠然千里墮眼界金篦割膜開雙瞳
乃知足力不到處別有天地生壺中國恩欲報已華
髮征車未去先晨鐘玉川乘雲紫皇家謫仙騎
鯨河伯宮聊追二子歸禹穴碧空轉首山重重
葛翁
仙壇壇之北有仙井水極清美下通海眼四時不竭
上有石覆之

上鹿苑寺山自太白山來有姚聖姑者來赴下塵梵供
不納遂披雲登山中曳裾止處有靈天隨之遂立寺

盧天驤遊鹿苑寺山詩

喜策尋春杖登高不待扶蟻
寒穿柳影蜂暖飽花鬢把酒

憐櫻笋臨流憶鰕魚他時公事了方有醉工夫宋元
嘉七年姚聖姑於西山造披雲院晉天福七年吳越
改披雲寺治山中有接山堂盧天驥詩政和戊戌自
西四十五里

嘗愛晉人吏隱多在會稽而王子猷冒雪訪戴尤為
一時勝事予以捕寇過剡時方大雪初霽山流暴漲
橋斷不可行遂登鹿苑寺憑欄四矚便覺溪山來相
映發豈真中令當日應接不暇處耶為名堂為接山
且賦詩以紀其事故臘老欲盡新春慳未來無令隴
梅覺且遣山禽催雲間古招提鐵鳳翔斗魁單車夜
剥啄境淨無纖埃修篁舞瘦蛟怒瀑生晴雷坐久欲
頰風吹我心霧開迺知白蓮社未下黃金臺緬思王
騎曹逸韻挽不回且同謝康樂屐齒
破蒼苔重遊定不惡林壑富詩材

欽定四庫全書

欽定
卷八

十四

剡錄卷八

欽定四庫全書

剡錄卷九

宋 高似孫 撰

草木禽魚上

木

松

酈道元水經曰嵯山臨江松嶺森森戴遠松竹贊猗
猗松竹獨蔚山臯肅肅修竿森森長條戴公文章世

少見之此贊甚簡古森嚴

柏

謝靈運山居賦曰木則松栢檀藥會稽郡記曰會稽境多名山水峯嶸隆峻吐納雲霧松枯楓栢枝擢幹聳鄭僧保剎人孝感甘露降松栢條

檀

傳曰檀可為車故曰疆勒之木陸璣草木疏曰檀木皮青滑澤宋南渡初製五輅須檀為車軸取諸剎至

今郊年文移如舊

櫟

水經曰謝靈運與惠連聯句刻孤潭櫟側詩曰山有
芭櫟爾雅注曰櫟有球彙自累

梓

水經曰謝車騎居嶧山東北曲江起樓樓北桐梓森
挺

桐

謝車騎嶧江所居桐梓森挺人號桐亭丹池山在剡
之東舊曰桐栢山道經曰上有桐栢合生

椿

剡溪谷多此木孔德紹詩歲積松方偃年深椿欲秋
用莊子事妙絕

杞

謝靈運詩漉池溉稗稻輕雲暖松杞齊唐詩梗枏非
給燎鱣鮓必施眾

楮

出越經說文曰楮穀也陸璣草木疏曰江南以楮搗
紙剡溪作冰紙亦取此東坡詩膚為蔡侯紙子入桐
君錄李易剡貴門卜築詩趣時務擷茗餘力工搗楮
謂作紙也

檉

出山居賦越經爾雅曰檉河柳張衡南都賦注曰檉
似栢而香江淹檉頌曰碧葉掩藹頰柯翕葩喻鳧詩

曉壇檉葉露春圃木苗風

柞

周處風土記曰始寧剡界山多柞木吳越之間名柞為檉爾雅曰栩杼柞樹也漢五柞宮即此木

石楠

李白詩水春雲母碓風掃石楠花祖已詩不知疊嶂夜來雨清曉石楠花亂流魏王花木志曰石楠樹野生二月花開剡山谷多此冬葉尤可愛

朴

平泉草木記曰厚朴得之剡溪

樟

出越經酉陽雜俎曰江東人以樟為船張嶠詩白水
汪汪滿稻畦樟花零落徧前溪

檫

輿地志曰越太平山生檫木剡多此木非止太平山
也

櫛

出越經李嘉祐詩子規夜啼櫛葉暗遠道春來半是

愁

思木

平泉草木記曰相思木得之剡谿三異記述異記皆
曰戰國時有民戍秦妻思之卒塚上生木枝葉皆向
夫所謂之相思木吳都賦曰相思之樹注曰樹理堅
邪研之有文可作器陸龜蒙詩樹號相思枝滿地烏

語提壺聲滿溪權德輿相思木詩空見相思樹不見
相思人

竹

許敬宗竹賦曰篴谷著美稽山見知衛稱淇澳梁賦
夾池吳筠竹賦曰渭川千畝山陽數林會稽潤玉羅
浮色金竹在會稽尚矣剡左右沙村最宜竹

箭竹

左傳曰東南之美有會稽之竹箭剡謝巖五龍山尤

多靈運山居賦曰二箭殊葉注曰苦箭大葉筭箭細
葉戴凱之竹譜曰會稽箭最精節間三尺堅勁中矢
字統曰箭竹之別形小身大葉曰箭竹原父箭竹詩
冉冉東南美托根那在茲黃太史箭筍詩會稽竹箭
天下聞青嶺霜筍搖紫雲巽中詩適越長懷冬箭美
遊吳未數蓴絲滑

毛竹

金庭曰毛竹洞天有毛竹李清叟詩雲藏毛竹深深

洞烟起香爐裊裊風

斑竹

博物志曰洞庭二女以涕揮竹盡斑唐蔣防湘妃泣
竹賦曰帝舜兮南巡不回二妃兮心傷已摧淚浪浪
而墮睫竹冉冉而凝苔李端詩雲去低斑竹風來動
白蘋

燕竹

燕來時作筍取其早也王梅溪在剡有詩問訊東牆

竹佳名始得知龍孫初迸處燕子正來時

苦竹

山居賦曰竹則四苦齊味謂黃苦青苦白苦紫苦也
越又有烏末苦頓地苦掉尾苦湘簾苦油苦石斑苦
苦筍以黃苞推第一謂之黃鶯苦刺亦有之孟浩然
詩歲月青松老風霜苦竹餘

水竹

山居賦曰水石別谷注曰水竹依水而生甚細密

石竹

山居賦注曰石竹別叢大以充屋其巨者竿挺之屬細者簾箐之流閩中記曰勞竹似石竹

慈竹

任昉述異記曰南中生子母竹慈竹是也酉陽雜俎曰慈竹夏雨滴汁入地而生王勃慈竹賦曰如母子之鉤帶似閨門之悌友喬林慈竹賦曰類宗族之親比同朋友之造膝宋景文公慈竹贊曰根不他引是

得慈名注曰竹性土產根不外引密不容竒生夏秋也

桃枝竹

書曰篾席紛純孔安國曰篾桃枝竹也爾雅曰桃枝竹四寸有節又有梁簡文帝竹賦曰玉潤桃枝之麗魚腸雲母之名梁元帝詩柯亭臨絕澗桃枝夾細流皮日休詩鼓子花明白石岸桃枝竹引翠嵐溪

篁竹

字書曰篁竹名也有早竹晚竹棉竹梅聖俞詩侵天
篁竹溪西東

筋竹

羅浮山踈曰筋竹堅利南土以為矛筍未竹時堪為
弩絃皮日休詩烏紗任岸穿筋竹白袷從披趂肉芝

閃竹

越閃竹即宋景文黃太史所謂對青竹宋公贊曰翠
溝如畫太史賦曰金碧其相

紫竹

剡山谷間徃徃有之宋景文紫竹贊曰竹生三歲色
乃紫

方竹

玉岑山所植贊寧筍譜曰辰山有方竹其方二寸桂
苑叢談曰李德裕遊甘露寺贈僧方筍竹杖後數年
至寺僧圓之矣陸龜蒙筍賦曰洪鑪靡定方圓不均
注曰南方有方竹宋景文方竹贊曰竹筍皆圓此獨

方形張忠定公方竹詩筍從初茁已方堅峻節凌霜
更可憐王平父方竹詩方竹同吾操端然直物間

人面竹

剡山有之竹徑幾寸近本逮二尺節極促四面參差
竹書曰如魚身而凸頗類人面

淡竹

本草曰竹類不一而農經所載惟篁竹苦竹淡竹耳
花

牡丹

仲皎牡丹詩玉稜金線曉妝寒妙入天工不可干老
去只知空境界淺紅深紫夢中看擇璘牡丹詩東君
著力為渠裁妙絕真姿不受埃嗟我一觀如夢幻倚
欄非為愛花來

芍藥

李易剡山詩斑竹筍行三畝地紅藥花開一尺圍王
梅溪剡館芍藥詩已過花王候纔聞近侍香來游禁

酒地免作退之狂

海棠

草木記曰木之奇者會稽之海棠沈立海棠記曰德裕言花中帶海者從海外來程琳海棠詩所謂海外移根灼灼奇是也海棠以蜀本為第一今山間所有多野棠王梅溪在剡有海棠詩欲與春爭媚嫣然一笑芳雨中如有恨疑是為無香先公在剡謝人海棠詩富貴天姿錦里人高華全比玉堂臣綠嬌紅嫩精

神是肯折園林兩樹春注曰花譜以海棠比翰林學士唐吳融海棠詩太尉園村兩樹春年年奔走看花人此詩全成識也

桂

草木記以剡中丹桂為奇德裕有訪剡溪樵客得紅桂詩曰昔聞紅葉枝獨秀龍門側越叟遺數株周人未嘗識來自天姥峯長凝翠嵐色記中曰又得剡中真紅桂李白詩何以折相贈白花青桂枝雖然剡溪

興不異山陰時劉長卿寄剡中諸官詩桂香留客處
楓暗泊村時梅溪王公記周氏天香亭曰崑桂數百
根皆古木也蒼然成林森然成陰洞然而深窅徑通
幽而亭乎其中主人日與客游焉如入宜人之林而
夏不知暑如登飛來之峯而香生自天如騎蟾蜍遊
兔宮而下游人間世真剡之絕境也先公次韻楊少
雲桂花詩溶溶漠漠秋光淡耿耿寥寥夜色清不是
靈根涵爽氣如何醞得此香成玉兔搗霜千萬粒淒

風折作四花凝廣寒慣識朝真趣一笑秋空意欲凌
少雲名寅為兵部侍郎時同在剡

四季桂

予雪館嘗植四季桂白居易詩有木名丹桂四時常
馥馥素據詩芳林挺芳榦一歲三四花據晉人也

雪桂

雪館雪中桂有花坐客以為自古未有余曰李賀詩
雪下桂花稀杜牧詩桂花香帶雪古人已見之

山茶

平泉草木記曰得會稽之山茗越山固多也陶弼山
茶詩淺為玉茗深都勝大曰山茶小海紅先公雪館
山茶詩江南嘉木蔚蒼蒼能與山梅次第芳葉厚耐
擎三寸雪飛初怯受一番霜

石巖

花比杜鵑尤紅石巖先放葉後著花仲皎石巖花詩
朱英歷歷爍晴空過了花間幾信風明日畫闌供徙

倚却須有句到芳叢

茶

王梅溪剡館茶詩日烘香倍遠雨浥韻尤清山谷詩
雨浥何郎試湯餅日烘荀令炷爐香其用日烘乃山
谷詩中來也

酴醾

先公剡中賦酴醾花詩羽蓋珠旛上下蒙倚欄碧動
舞蛟龍誰憐澹素朝天面自現光明滿月容楊柳風

柔霑絮濕薔薇露重染衣濃
典型猶帶醺酣力醞得
餘春百倍醞

杜鵑

剡僧擇璘杜鵑花詩春老麥黃三月天
青山處處有啼鵑
懸崖幾樹深如血
照水晴花暖欲燃
三嘆鶴林成夢寐
前生閬苑覓神仙
小山挂頰愁無奈
又怕聲聲聒夜眠
剡人謂之映山紅
唐僧修睦有映山紅詩
山前幾見烟邊重
溪畔曾逢雨後斜

瑞香

卷九

西太白山有此花盧天驥剡山瑞香花詩入夢生香
酒力微不須金鴨裊孤馥為嫌淡白非真色故著仙
家紫道衣時盧政在西山也了元瑞香譜曰廬山瑞
香比他郡最香信乎風物各有相宜吳曾漫錄曰剡
山瑞香花天聖中始傳東坡諸公悉作瑞字此山記
中載瑞香花及訥禪師詩山中瑞來一朝出天下名
香獨見知張祠部以瑞為睡其詩曰曾向端州睡裏

聞香風占盡世間春
竊花莫撲枝頭蝶
曾見南牕半夢人
先公翰林詩雲
岑深處獨翹翹
香逐吳山一夢銷
味入禪心清透澈
錦熏篝暖不容招

紅梅

盧天驥迎薰堂紅梅詩
河陽滿縣栽桃李
風過落花吹不起
潘郎遠韻故不凡
為米折腰聊爾爾
剡溪詩尹亦可人
作堂餉客名迎薰
雖無桃李繼潘令
紅梅一窠香入雲
自憐多病綉衣客
百年未半髻先白
長

鞭短帽飽霜露田園將蕪身未索何日背琴攜瘦筇
鳴絃堂上迎薰風梅香已斷葉初暗滿枝著子雙頰
紅寄聲艇子可留意為我泂溪撐短篷王梅溪紅梅
詩桃李莫相妬天姿原不同猶餘雪霜態未肯十分
紅

千葉黃梅

王梅溪詩菊以黃為正梅惟白最嘉徒勞千葉染不
似雪中花先公翰林詩一夢梨花失曉雲晚貪黃裏

弄精神寒枝染透薔薇露猶向人間犯色塵

蠟梅

花有紫心者青心者紫者色濃香烈謂之辰州本蠟
梅聲名自蘓黃始徐師川詩所謂江南舊時無蠟梅
只是梅花對月開也王梅溪剡館蠟梅詩非蠟復非
梅誰將蠟染腮游蜂一見過訝自蜜中來

菊

朱放剡溪舟行詩漠漠黃花覆水時時白鷺驚船此

溪邊菊有花也先公於雪館西坡手種一二百本最
奇者紫菊丹菊杜荀鶴詩雨勻紫菊層層色風弄芭
蕉葉葉聲庾信詩層霄映紫芝潛澗泛丹菊者是也
先公有種菊詩菊載神農經不見詩三百周官叙鞠
衣一言僅可摘黃華紀呂令落英餐楚客伯始飲得
壽桐君書探賸移根候萌動需時當甲拆我羨柴桑
里敢希履道宅不種兒女花朱朱與白白閱譜品雖
多求栽地恐窄握苗助其長抱甕溉以澤朗詠黃為

正流播風傳格寒香紫茁蘭晚節銅柯栢相繼早梅
芳一笑巡簷索

丁香

剡山白丁香絕多殊不惡李賀詩亂繫丁香梢滿欄
花向夕錢起丁香詩露香濃結桂池影聞蟠虬

簷蔔

此花生山谷榛篁間最多禪月所謂白簷蔔花露滴
也韓渥詩整釵梔子重呵酒菊花香杜甫梔子詩其

實也王梅溪詩禪友何曾到遠從毗舍園妙香通鼻
觀靜悟佛根源

水仙

水仙自魯直文潛詩得名者有單葉者先公詩朝朝
暮暮泣陽臺愁絕冰魂水一杯巫峽雲深迷昨夢瀟
湘雪重寫餘哀菊如相得無先意梅亦傾心敢後開
惱徹會心黃太史他花從此不須栽

薔薇

李易剡山詩剡山無數野薔薇黃雲爛熳相因依李
白題東山亦曰不見東山久薔薇幾度花

凌霄

元稹詩寒竹秋雨重凌霄晚花落白居易詩有木名
凌霄擢秀非孤標陸游詩庭中青松四無鄰凌霄百
尺依松身

剡錄卷九

欽定四庫全書

剡錄卷十

宋 高似孫 撰

草木禽魚下

果

梅

皇甫冉寄袁郎中經剡詩受律梅初發班師草未齊
崔顥入剡詩山梅猶作雨溪橘未知霜仲皎次韻王



性之梅花詩白玉叢邊碧玉流見花無復為花羞春
風細雨溪山路洗盡去年今日愁春到寒林雪得知
雪中誰解認芳姿溪山飛上一輪月香滿風前獨立
時擇璘梅花詩花老香微春始來禁寒唯有雪相陪
無情誰為添愁怯雨後風前亦可哀江朝宗梅花詩

朝宗枯蒼
人有詩名

小小人家短短籬冷香濕雪兩三枝寂寥

竹外無窮思正倚江天日暮時月淡霜清驛路長一
枝春信到江鄉西山餓死魂猶瘦洛浦仙遊佩亦香

先公翰林次韻新新數點照疎籬又折今年第一枝
只為知心無著處雪中獨立最多時踏雪歸來水路
長親曾相見白雲鄉風來風去都無那分付行人一
點香

杏

盧天驥剡中詩山杏枝頭鶚鳩兒來傳春意語多時
王銍杏花詩玉人半醉點豐肌何待武陵花下迷記
得鞦韆歸後約黃昏新月粉墻低醉裏餘香夢裡雲

又隨風雨去紛紛人間春色都多少莫掃殘花不盡
魂

桃

張燕公題金庭觀詩他日洞天三十六碧桃花發共
師遊東坡詩云劉氏宅邊霜竹老戴公山下野桃香
王梅溪紅桃詩洗盡天天色冷然衆卉中却將千葉
雪全勝幾株紅

李

林槩剡郊野思詩故園桃李經年別一望歸心繞翠
蹊越桃李品最繁剡亦多佳種翠李竊脂桃最高李
紳遊剡龍宮精舍晝寢有老僧見一黑蛇上剡前李
樹食其子復望東序而去入紳懷中僧曰公睡中有
所睹否李曰夢中登李樹食李甚美似有一僧相逼
乃寤僧知非常延遇甚謹

櫻桃

李易剡山詩豆角嘗新小麥秀來禽向長櫻桃肥盧

天驥鹿苑詩把酒憐櫻筍臨流憶鰕魚沈約詩野棠
開未落山櫻發欲燃剡山固多山櫻

枇杷

謝靈運七濟曰朝夕食既畢摘果堂陰春惟枇杷密
林禽春安得有枇杷也始寧塹多植此剡坑吳莊最
多宋謝瞻枇杷賦曰肇寒葩於結霜成炎果乎纖露
則熟乎夏矣宋周祗枇杷賦曰四序一采素華冬馥
八字瓌妙

林檎

山居賦曰枇杷林檎帶谷映渚青李來禽出羲之帖
梅聖俞詩右軍好佳果墨帖求林禽李易剡山詩豆
角嘗新小麥秀來禽向長櫻桃肥

蓮

剡少陂隰蓮芰非利錢昭度剡溪詩到處楊柳色幾
家荷葉風尚言此也擇璘荷花詩雙雙白鷺隨青空
飛入花汀雜翠紅烟火一蓬漁舍晚歸時蕩漾小舡

風全似惠崇大年小景

瓜

剡之西太平鄉產奇瓜紺翠如筍味絕佳庾信所謂
美酒含蘭氣甘瓜開密筒齊靈敏剡人種瓜營葵朝
採夕生

棗

棗在嶧山間徃徃青棗耳韓愈詩棗園落青璣瓜畦
爛文貝唐詩雨顆青璣密風香白雪翻若蕭山則赤

棗甚奇庾肩吾詩踴躍鱸魚醉參差絳棗浮是也

石榴

剡近東陽故多榴房晉潘尼張載張協應貞潘岳夏侯湛若庾儵范堅宋顏測皆有安石榴賦古人愛之若此

葡萄

廣志曰葡萄黃黑白三種越剡間多碧蒲桃王梅溪剡館葡萄詩珠帳累累挂龍鬚蔓蔓抽從渠能美釀

不要博涼州

木瓜

越剡所產多青瓜不復丹色如宣城梅溪者何承天
木瓜賦曰維茲木之在林亦超類而獨召方朝華而
繁實比沙棠而有曜佳語也

胡桃

尚書故實曰右軍禽李帖又曰胡桃種已成矣木玄
虛四明山記曰芙蓉峯山足生胡桃今新剡間種此

晉鈕滔母荅吳國書胡桃外剛櫟內柔甘質似古賢
欲以奉貢善形容如此

柿

剡所多也種亦不一謝靈運山居賦曰枰柿披實於
長浦簡文賜柿啓有云懸霜照采四字甚奇

枰

潘岳詩前庭樹沙棠後園植烏枰

梨

剡梨多種蓋杜詩所謂塞柳行疎翠山梨結小紅者
然更有大且重者庾信詩寒谷梨應重秋林栗更肥
栗

始寧墅有栗園陶隱居曰栗會稽最豐諸暨形大皮
厚不美剡及始寧皮薄而甜秦系謝朱放訪山居詩
土栗添初味寒花帶老顏又山中寄錢起苗發詩稚
子唯能覓梨栗逸妻相共老烟霞

榧

平泉草木記曰木之奇者稽山之榲東坡詩彼美玉
山果粲為金槃實玉山屬東陽剡暨接焉榲多佳者
僧巽中斐湯詩久厭玉山果初嘗新斐湯斐肉和以
生蜜冰腦作湯奇絕其木宜製書几王昌齡詩芸香
淨斐案松影閒瑤墀是也

柑

剡素無柑近有種者擷實來風味不減黃巖胡公柑
賦處漢之南背江之陰水帶清流山向高岑種柑法

也

棖

張籍詩山路黃棖熟沙田紫芋肥真剡中風物也梅
聖俞詩越山橙熟久楚飯稻春初

橘

崔顥入剡詩山梅猶作雨溪橘未知霜任昉述異記
曰越多橘柚園越人歲稅謂之棖橘戶亦曰橘籍

柚

列子曰吳越人間有木焉曰櫨碧實冬青實丹而味
酸爾雅音義曰柚作櫨崔琦七蠲曰于斯江澤實產
橘柚紫葉元實綠裏朱莖謝惠連詩含苞者柚忘憂
者萱實摘柯摧葉殞條繁

鍾乳

山居賦曰訪鍾乳於洞穴靈運自注曰近山竹青剡
嵯谷亦生焉梅福四明山記南一峯石壁數穴生石
乳沈約遊金庭館詩朋來握石髓賓去駕輕鴻剡固

有此也又詩玉竇膏滴瀝石乳室空籠鮑照詩銅溪
晝森沉乳竇夜滴瀝劉刪詩石床新溜乳金竈欲成
丹姚邵詩玉英含石乳黃粉落松花皮日休詩鶴笙
入夜歸雲屋乳管逢春落石床張籍詩石洞新生乳
寒泉舊養龍李適詩捫壁窺丹井梯苔瞰乳穴章孝
標詩露寒鍾乳結風定玉花香古人詩中多喜用此

朱砂

崖谷間亦有之人不知采耳李白剡中詩無以墨綬

苦來求丹砂要寰宇志曰會稽歲貢丹砂

禹餘糧

舊經曰嵎北餘糧嶺產禹餘糧博物志曰禹治水棄
餘食於江為禹餘糧李羣玉詩澗有堯時韭山餘禹
代糧逋翁剡紙歌宛委山裏禹餘糧石中黃子黃金
屑

雲母石

剡山接地壁嶺道間所生石色晶瑩葛洪丹經用雲

子者雲母也白居易詩朝餐雲母散夜吸沆瀣精張籍詩鍊成雲母休煩爨占得雷公當吏兵皮日休詩深夜數甌唯栢葉清晨一器是雲華注曰雲華雲母別名

石燕

梅福四明山記曰南峯之北崑生石燕

茯苓

山居賦曰茯苓千歲而方知杜甫茯苓詩翻動神仙

窟封題鳥獸形李益茯苓詩松膏為茯苓妙者是鶴
形章孝標詩注餅雲母滑漱齒茯苓香剡山多喬松
松下多苓典術曰松脂入地千歲為茯苓

朮

剡山有朮爾雅曰朮山薊也庾肩吾朮煎啟曰綠葉
抽條生於首峯之側紫花標色出自鄭嵎之下楊侃
詩結茅野客前溪住採朮幽人絕頂行方干詩雲迷
收朮路雪隔出溪時秦系詩霓裳雲氣潤石徑朮苗

春

黃精

舊經曰石鼓山多黃精博物志曰太陽之草名黃精
謝靈運游名山志曰天室固多黃精秦系期王鍊師
詩黃精蒸罷洗瓊杯林下從留石上苔昨日圍碁未
終局多乘白鶴下山來

諸蕓

本草曰齊越名山芋異苑曰野人謂之士諸張師正

倦遊雜錄曰署預唐代宗名預改為葯英廟諱上二字却呼預藥溫公送薯預苗詩客從魏都來遺我山諸實則曰山諸王荊公王岐公和蔡樞密山葯詩則曰山葯黃魯直和七兄山預湯詩則曰山預

地黃

山居賦曰采石上之地黃剡地種之白樂天採地黃詩採之將何用持以易糲糧

仙茅

齊唐集曰少微山有仙茅詩曰仙方上品誇靈種忽
怪靈芝拆紫苞玉澤返嬰看驗術少微山是小三茅
李商老詩聞說仙茅勝鍾乳移根遠自西山阿剌亦
有焉人少採耳

草

芝

鄭僧保剌人芝生於墓

蘭

越絕書曰句踐種蘭于蘭渚山舊經曰蘭渚山句踐
種蘭之地王謝諸人修禊蘭渚亭山居賦曰風生浪
于蘭渚日倒景于椒塗宜惟蘭渚多蘭剡蘭固自漫
山競秀但花不如蘭渚豐挺耳仲子陵幽蘭賦曰貞
正內積芬華外揚和氣所資精明自得此十六字超
出筆墨蹊逕其知蘭者乎王拱辰送陸軫守越詩基
墅風烟清早夏禊亭蘭茝暗殘春一時稱傑句錄之

秋蘭

山居賦曰水香送秋而擢菡注曰水香蘭草也當是
秋蘭秋蘭古人最所鍾愛一經靈均風騷之士競知
慕焉離騷曰秋蘭兮蘼蕪羅生兮堂下綠葉兮素華
芳菲菲兮襲予又曰秋蘭兮青青綠葉兮紫莖張衡
思玄賦曰縞幽蘭之秋華東京賦曰芙蓉覆水秋蘭
被涯魏武帝陌上桑曰柱杖桂枝佩秋蘭曹植迷迭
香賦曰芳暮秋之幽蘭兮麗崑崙之英芝又詩繁華
將茂秋霜悴之君不垂眷豈云其誠秋蘭可喻桂樹

冬榮又詩秋蘭被長坂晉傳元秋蘭篇秋蘭蔭玉池
池水且芳香又詩秋蘭豈不芬鮑肆亂其芳元鼓吹
曲又曰謀言協秋蘭清風發其芳陸機詩氣惠秋蘭
潘尼詩流聲馥秋蘭一秋蘭之微而詞人眷眷如此
是亦瓊貞挺秀可以比德歟比從永嘉移本大畧如
蕙擢花八九月之交香特重于春蘭也

蕙

廣雅曰蕙草綠葉紫華林檎詩吳娘晚唱穿菱葉楚

客春心記蕙叢

長生草

剡之東四明山生草曰長生不死草雖甚枯槁得水即蔥翠甚為異也東方朔神異經曰會稽橫山有草莖赤葉青人死服之活十洲記曰不死草出祖洲田人既死者活述異記曰漢武帝時月支國獻活人草仙傳拾遺曰祖洲不死草在洲田中名養神芝葉似菰不叢生一株活千人杜光庭神仙傳曰秦皇時苑

中多疫死者有鳥啣草覆其面即活王右丞長生草
詩老根那復占春晴能住虛空自發生

鹿胎草

獵士陳惠度射鹿剡山鹿孕而傷舐子死其處生草
曰鹿胎草

恒春草

唐方士梁鍾進恒春草詩東吳有靈草生彼剡溪傍
既亂莓苔色仍連菡萏香金膏徒騁壽石髓莫矜良

儻使露涓滴還遊不死方

菖蒲

左氏傳曰昌歎說苑曰昌本陶隱居曰昌陽東坡石
菖蒲贊序滿有昌陽之辨盧天驥定林寺泐溪采石
蒲詩曉行隱隱入花村小雨初晴水氣昏莫厭僧家
能冷淡且穿芸屨采溪蓀擇璘詩寒石一拳添瘦削
皆佳句

麝香菜

西山有之即紫苑苗也

石耳

生四明山絕壁絕甘滑

茶品

會稽茶以日鑄名天下余行日鑄嶺入日鑄寺緱日鑄
泉淪日鑄茶茶與水味深入理窟茶生蒼石之陽碧
澗穿注茲乃水石之靈豈茶哉山中僧言吾左右巖
鵲能幾何茶入京都奉臺府供好事者何可給蓋取

諸近峯剡居半然則世之烹日鑄者多剡茶也日鑄
以水勝耳建溪顧渚溪以茶名者水也剡清流碧湍
與山脉絡茶胡不奇余留剡幾年山中巨井清甘深
潔宜茶方外交以茶至者皆精絕唐僧清晝詩越人
遺我剡溪茗採得金芽爨金鼎剡茶聲唐已著李易
剡山詩雲谷移佳茗風潭遶古松栽種也趣時務擷
茗餘力工搗楮采擷也丹鼎山頭氣茶床竹外烟烹
試也仲皎贈剡僧秀蘊點茶成梅花詩未飛三白雪

却報一枝春皆風流人也作茶品

瀑嶺仙茶

五龍茶

真如茶

紫巖茶

鹿苑茶

大崑茶

小崑茶

焙坑茶

細坑茶

泉品

陸羽水品二十劉伯芻水品七品藻天下名泉也余盡
取剡中潭谷水入茶三歎茶非水不可水得茶方神
耳廬天驥玉虹亭試茶詩乍見飛泉眼即明玉虹垂
地半天聲何時閒散無公事洗鉢重來汲淺清又航
湖未逐鷓鴣夸子得水今同桑苧翁試遣茶甌作花乳

從教兩腋起清風
斯人殊有風度作泉品

葛仙翁井泉

瀑布泉

五龍潭

簞山三潭

石門潭

響崑潭

動石潭

三懸潭

紫巖潭

素潭

亞輔潭

泄潭泉

偃公泉

龍藏大井

明覺大井

竹山大井

謝巖潭

獅子巖大井

禽

鶴

張籍詩春雲剡谿口殘月鏡湖西水鶴沙邊立山鼃
竹裏啼李易剡山詩魚跳破浪奮赤鬣鶴唳投松翻
縞衣盧天驥剡中詩但數十家看鶴戶與兩三隻釣

魚船

鵠

出山居賦廣志曰黃鵠出東海徐幹七喻曰雲鵠水
鵠張伯玉詩冷風徐引江鵠飛白雲回首清猿啼李
易剡山有浴鵠池詩沼從鵠舉添蕭索峯以鷺翔解
嘆嗟又浴鵠開新鑑纖塵莫遣遮

鵠

出山居賦朱超詩綠草閒遊蜂青葢集輕鵠謝朓詩

田鶴遠相呌沙鶉忽爭飛郭璞上林賦注曰鶉似雁
無後指

鷓鴣

出山居賦陸璣疏曰兩足之英有鷓鴣爾雅曰鷓鴣雉長
尾走且鳴抱樸子曰雉有擅澤之鷓

雉

爾雅雉鷓也元稹詩馴鷓鷯眠淺瀨驚雉入平蕪齊唐
詩織綸魚尾鳴鏃雉摧班晉王淑之翟雉賦曰雉

見質而不陋翟表文而不華晉孫楚翟賦曰班五色
之奇章揚皦皦之清音爾雅曰鸛山雉尾長溫庭筠
詩冉冉山雞紅尾長一聲樵斧驚飛起江濤剡中詩
麥隴將雛馴乳雉柳塘遺子漾游魚

鸛

項斯詩更望會稽何處是沙連竹箭白鸛羣西京雜
記曰鸛有白鸛有黑鸛李白詩請以雙白壁賣君雙
白鸛詩人所樂尚者

子規

李易剡山詩丁寧杜宇往江北為喚故人令早歸仲
皎懷剡川故居詩蝴蝶夢中新歲病杜鵑聲裏故鄉
愁成都記曰蜀王杜宇稱望帝死化為鳥名杜鵑一
名子規爾雅曰鴛周即此鳥也越人謂之謝豹

鶯

出舊經詩義疏曰黃鳥鵯鵯也或曰黃栗留或曰黃
鳥一名倉庚謝靈運酬惠連詩嚶鳴已悅豫幽居猶

鬱陶

畫眉

梅聖俞詩山鳥本無名兩眉如粉畫文與可畫眉詩
百囀千聲隨意移山花紅紫樹高低始知鑠向金籠
聽不及林間自在啼剡林谷雅多此也

拖白練

張九齡詩山禽毛如白練帶栖我庭前栗樹枝張祐
詩紅蕉心半卷白練尾長垂文與可詩磐石坐深林

不欲人求見隔岼誰品絃數聲拖白練玉岑山最多
尤可玩愛

黃雀

剡人候雀曰白露來霜降去張芸叟詩所謂黃雀知
時節清江足稻粱是也蘓子由亦曰秋風下黃雀飛
禾日熟黃雀肥其曰百箇同缶仍相依者可醢也

婆餅焦

梅聖俞詩婆餅焦兒不食爾又向何之爾母山頭化

為石山頭化石可奈何遂作微禽啼不息先公翰林
集高亭詩山亭十月晏溫朝倚檻一聲婆餅焦舌澀
力微寒氣早不成清亮却成嬌

啄木

爾雅曰啄木鷲也白居易詩豈無啄木鳥嘴長將何
為賈島詩經年抱疾誰來問野鳥相過啄木頻

布穀

出舊經溫庭筠詩蓮塘艇子歸不歸柳暗桑濃聞布

穀

戴勝

出舊經爾雅曰戴勝雋也春秋考異郵曰孟夏戴維
降春秋說題辭曰戴維出蠶期起傳元陽春賦曰睹
戴勝之止桑聆布穀之晨鳴梅聖俞詩雉暈依麥雉
戴勝繞枝翔文與可詩戴勝入園春已老栗留過壘
麥將熟程致道戴勝賦曰惟戴雋氏知與時通降于
柔桑以趣女工

鳩

盧天驥刺詩強呼膏雨鳩閒管乍有香泥燕猛忙

巧婦鳥

出舊經鷦性巧巢至精若刺韞又名韞雀張祜詩舊
巢飛巧婦新葉長宜男梅聖俞巧婦鳥詩巧婦口流
血辛勤非一朝莠荼時補綻風雨畏漂搖

伯勞

出舊經周書時訓曰五月鵙始鳴蔡邕章句曰鵙伯

勞也李嘉祐詩映花雙節駐臨水伯勞飛

鴨鵝

盧天驕剡中詩山杏枝頭鴨鵝兒來傳春意語多時
歐陽詹詩村店月西入山枝鴨鵝聲鴨鵝鵝舅也張
祐詩落日啼烏舅空林長寄生胡文恭詩二月辛夷
猶未落五更烏舅最先啼此詩說盡鴨鵝啼最早也

山鷓鴣

白居易山鷓鴣詩山鷓鴣朝朝暮暮啼復啼時露

白風淒淒黃茅岡頭秋日晚苦竹嶺下秋日低山中
最多

竹雞

梅堯臣詩恐傷爾心不敢泣春岡細雨聞竹雞林和靖詩晝巖松鼠靜春塹竹雞深王性之詩慘慘風林叫竹雞冥冥山路曉光微又德操詩山盡路迴人跡絕竹雞時作兩三聲陶岳零陵記曰竹雞狀如鶉尾少長北夢瑣言曰竹雞食半夏

吐綬雞

剡太白山有雞五色吐綠綬號吐綬鳥埤雅曰綬雞
似雉吐物數寸食必蓄嗉慮觸其嗉行每遠草木古
今注曰吐綬鳥曰錦雞劉禹錫吐綬鳥詩越山有鳥
翔寥廓嗉中吐綬光若若李易太白山吐綬雞詩昔
人仙去斷丹梯憔悴深山吐綬雞百轉和鳴非我事
漫將文采慰幽棲

鶉

博雅曰鶉善鬪梅聖俞鶉詩脫命秋隼下鳴鬪自相
搏夏為黃鶉秋冬為白鶉夏鶉入饌絕勝人多籠致
李白詩君看海上鶴何似籠中鶉

鷓鴣

剡溪上漁舟所載者也裴冕詩淺沙游蚌蛤危石起
鷓鴣蒼頡篇曰鷓鴣似鴝而黑楊孚異物志曰鷓鴣
不生卵而孕雛于池澤間又吐生以鰕掛其項入水
捕魚日得數百

翡翠

李紳詩魚驚翠羽金鱗躍蓮脫紅衣紫萼摧于仲文
詩花驚飛翠羽萍散躍頰鱗柳宗元詩古苔凝青枝
陰草濕翠羽倉頡解詁曰鷗翠別名也韓渥詩天長
水遠網羅稀保得重重翠碧衣則謂之翠碧鳥蔡邕
翠鳥詩回顧生碧色動搖揚縹青錢起翠鳥詩擘波
得泉魚一點翠光去形容盡矣李易剡山浴鵲池詩
翠光爭水鳥紅影湛山花謂此也

白鷺

朱放剡溪詩漠漠黃花覆水時時白鷺驚船趙湘剡
溪唐郎中所居詩開池延白鳥掃樹帶清秋詩義疏
曰鷺好絮白齊魯謂之春鋤吳越謂之白鳥

鳧

梁簡文詩戲鳧乘汰下漁舟冒浪前又詩旅雁同洲
宿寒鳧夾浦飛許敬宗詩波擁羣鳧至秋飄朔雁歸
皆剡中風景毛萇詩傳曰鳧水鳥方言曰野鳧甚小

好沒水謂之鷺鷥倉頡解語曰鳬名水鵲晉張望鷺
鷥賦曰惟鷺鷥之小鳥托川湖以繁育能率性以閑
放匪窘惕于籠畜謝眺野鳬賦曰碎文錦之丹臆納
綺綠之翠襟

鷺鷥

溫庭筠詩剡溪魚客賀知章任達憐才愛酒狂鷺鷥
葦花隨釣艇蜻蜓菰菜夢橫塘謝惠連鷺鷥賦曰覽
水禽之萬類信莫麗乎鷺鷥服昭晰之鮮姿憇川湄

而偃息臨海異物志曰鰲鰲食短狐在溪中無毒氣
古人淮賦曰鰲尋邪而逐害是也陳昭裕圖經曰鰲
鰲宿渚若有敕令其浮游也雄左雌右皆有式度

鵠鵠

周禮曰會稽宜鳥其注曰孔雀係鵠鵠之屬歐陽詢
曰鵠鵠似鳬高脚毛冠晉摯虞賦曰鵠鵠呈儀若刻
若畫巧態多姿乍浮乍沒

脊令

出越經杜公所謂沙晚脊令寒者越人曰雪姑贊寧
物類志亦曰雪姑爾雅則曰鵲渠脊令也飛則鳴行
則搖又有坑鵲殊小

魚鷹

舟過嶧江一禽如雪擒魚健於隼問之漁人曰魚鷹
也溫公魚鷹詩翩然下林表不憚風湍惡

獸

麋

靈運自注山居賦曰麋音京能跳躍字書曰麋大鹿也一角而牛尾王梅溪嶧山賦曰皇書亭畔又看麋滯之蹤

麋

爾雅曰麋大鹿旄毛狗足元稹詩庭狎仙翁麋池游縣令鳧葉清臣詩山迴人逢麋江清客厭魚杜甫詩永與清溪別蒙將玉饌俱剡其庶乎

獬

出山居賦爾雅注曰羴羊似吳羊而大其角橢出義訓曰羴羊養草以盤旋注曰暑天塵露在其角上生草戴之而行愛之獨寢又廣志曰羴羊角重於肉代都賦曰大角謂之羴

豕

舊經劉禹錫進野猪狀曰收刈之餘田獵有獲異於芻豢著在方書

熊

李白詩湖月照我影送我至剡溪又云熊咆龍吟似豕
冬蟄說文曰心有脂曰熊白味美好舉木引氣莊子
所謂熊經鳥伸冬蟄不食饑則舐其掌其美在掌盧
象詩明月聞山鳥寒崖見蟄熊李端詩熊寒方入樹
魚樂稍窺泉陳陶詩鶴鳴高崖裂熊鬬老樹倒梅聖
俞詩霜落熊升木林空鹿飲溪

羆

出山居賦詩傳曰黃羆赤羆大如熊脂白而麕柳宗

元羅說曰羅之狀被髮人立絕有力

猿

虞騫嶮亭詩澄潭寫度鳥空嶺應鳴猿李白剡中詩
猿近天上啼人移月中棹又曰謝公宿處今尚在綠
水蕩漾青猿啼劉長卿詩鳥道通閩嶺山光落剡溪
暮帆千里思秋夜一猿啼仲皎東太白山溪猿亭詩
挂烟羣木冷啼月一山秋

狐

詩傳曰狐色赤白征記曰狐聽冰無聲乃度張說詩
啼猿抱山月饑狐獵野霜

豺

出山居賦爾雅曰豺狗足說文曰豺體細瘦謂之豺
季秋取獸四面陳之謂之祭獸嘗行黃沙道中見一
豺與一野豕絕大為野丁所奪

獾

剡太白山趙廣信鍊丹登仙之處有赤獾爾雅曰獾

父善顧郭璞注曰似猴而大能攬持人好顧盼呂氏
春秋曰猴五百年化為攬盧天驥鹿苑寺詩饑飢猛
攬號窮冬層巒秀壁撐晴空

魚

鱸

李白詩此行不為鱸魚膾自愛名山入剡中項斯寄
剡中友詩山晚迴尋蕭寺宿雪寒誰與戴家期夜來
忽覺秋風急應有鱸魚觸釣絲羊士諤詩山陰道上

桂花初王謝風流滿晉書會作江南步從事秋來還
復憶鱸魚

白魚

嶧山下巨潭白魚所聚大者二三尺頭昂者第一尾
頽者謂之追紅白杜甫詩白魚困密網黃鳥喧佳音
方干詩山鳥踏枝紅果落家童引釣白魚驚韋應物
詩沃野收紅稻長江釣白魚白居易詩青青芹蘩下
疊卧雙白魚

青魚

青魚頭色微青劉邵七華曰洞庭之鮒青鱗碧鱗蓋此類池中所蓄不及溪中者向過娥江漁人數連網得此魚可三四尺剡中所有乃江中物也

鱧

出山居賦爾雅曰鱧鮓也陸璣疏曰鮓鱧也本草經曰鱧今作鱧字

鮒

出山居賦王肅易注曰鮒小魚廣雅曰鯖鮒也劉邵
七華曰洞庭之鮒出于江岷素腴青顙朱尾碧鱗

鯁

鯁即鯁也魚詩箋曰鯁似鮐而大頭魚之不美者土
語曰買魚得鯁不如啖茹埤雅曰吳越呼鮪鯁魚齊
唐越吟行梗枻非給燎鮐鯁必施罟

鮓

出山居賦陸璣疏曰鮓俛似鮓鱗細于鮓赤眼多細

文孫炎爾雅正義曰鱒好獨行

鮠

爾雅曰鱧鮠也陸璣疏曰鮠似鱧狹而厚江東呼為
鯉魚今剡漁謂之逆者鱒鱧之類也

鯉

李易剡山詩魚跳破浪奮赤鬣鶴唳投松翻縞衣赤
鬣鯉也

剡錄卷十

文孫炎爾雅正義曰鮓好獨行

鮓

爾雅曰鮓鮓也陸璣疏曰鮓似鮓狹而厚江東呼為
鯉魚今剡漁謂之逆者鮓鮓之類也

鯉

李易剡山詩魚跳破浪奮赤鬣鶴唳投松翻縞衣赤
鬣鯉也

刺錄卷十